

順正理

論

才三十二

四百
移二

50717



元祐九年丙子二月五日
皇國華園
佛日塔
蘇州安寺法金
蘇州安寺法金
蘇州安寺法金
蘇州安寺法金
蘇州安寺法金

東

阿毗達磨廣正理論卷第三十二



移

尊者眾賢造

三藏法師

玄奘奉

詔譯

辨緣起品第三之十二



如是已就踰繕那等辨器世間身量老別就
年等辨壽量有殊二量不同未說應說建立
此等無不依名前二及名未詳極少今應先

辨三極少量頌曰

極微字刹那 色名時極少



論曰以勝覺慧分析諸色至一極微故一極

微為色極少不可析故如是分析諸名及時

至一字刹那為名時極少一字名者如說掉

名何等為一刹那量經主率意作是釋言

謂衆緣合時法得自體頃如是所釋理不極
成應審法生前體爲有非有對法者說衆緣
合時諸法得生非得自體未生諸法已有體
故法體已有何用復生衆緣合時體雖已有
而能令彼至牽果位起勝作用故說爲生至
現已生能牽果牽果用息說爲過去未來
何故無牽果能此責不然即如有責未來何
不名現在故諸牽果用我說現在是故不應
作如是責何緣固執如是義宗若異此宗凡
有所立現與無量理教相違辨三世中當廣
思擇去來實有體其理旣成彼說刹那量定
不應理又待別舉餘量顯故謂衆緣合法得

自體仍未決了。此經幾時又法刹那非世現見。故問何量名一刹那。應答刹那其量如是。法得體頃。彼謂刹那寧舉刹那顯刹那量。故彼所釋其理不成。毗婆沙師依勝義說法。刹那量可以喻彰然。佛世尊曾不說者以不見有能解者。故然有爲欲開曉學徒。依比量門方便顯示。謂如壯十一彈指時。經細刹那六十五等。如是已辨三極少量。前二量殊今次應辨踰繕那等其量云。何頌曰

極微微金水

兔羊牛隙塵

蟣蝨麥指節

後後增七倍

二十四指肘

四肘爲弓量

五百俱盧舍

此八踰繕那

論曰一極微量亦可喻顯唯佛乃知故亦不
說然為安立阿練若處故毗奈耶但作是說
七極微集名一微等極微為初指節為後應
知後後皆七倍增謂七極微為一微量積
微至七為一金塵積七金塵為水塵量水塵
積至七為一兔毛塵積七兔毛塵為羊毛塵
量積羊毛塵七為一牛毛塵積七牛毛塵為
隙遊塵量隙塵七為蟻七蟻為一蝨七蝨為
穢麥七麥為指節三節為一指世所極成是
故於頌中不別分別二十四指橫布為肘豎
積四肘為弓謂尋豎積五百弓為一俱盧舍
毗奈耶說此是從村至阿練若中間道量說

八俱盧舍爲一踰繕那已說極微漸次積集
成微乃至一踰繕那然許極微略有二種一
實二假其相云何實謂極成色等自相於和
集位現量所得假由分析比量所知謂聚色
中以慧漸析至最極位然後於中辨色聲等
極微差別此析所至名假極微今慧尋思極
生喜故此微即極故名極微極謂色中析至
究竟微謂唯是慧眼所行故極微言顯微極
義以何爲證知有極微以阿笈摩及理爲證
阿笈摩者謂契經說諸所有色或細或麤細
者謂極微更不可析故餘有對色說名爲麤
復有餘師作如是釋不善無記說名爲麤所

餘善色說名爲細如是欲色繫有漏無漏別
此不應理以劣勝言已攝如是性等別故復
有別釋眼境爲鹿耳等餘根所取名細此亦
非善俱通二故又不定故謂有細色如析毛
端極明眼者猶難得見或有大聲如雷音等
震動天地有耳皆聞是故細言表極微色理
善成就若謂經中亦說段食有鹿細故此釋
非者亦不相違此經說色彼經說食意各別
故以一極微可名爲色不可名食故意有異
理必應介以伽他言
黑白等諸色 皆有細有鹿 細者謂最微
鹿即餘有對

由此誠證極微定有又先已說先說者何謂
毗奈耶作如是說七極微集名一微等如是
名教其理者何謂如積聚有情身色至色究
竟有量最麤准此亦應分析諸色有究竟處
名一極微云何知余以可析法分析至窮猶
有餘故謂世現見以餘聚色析餘聚色有細
聚生析析至窮猶有餘分可爲眼見更不可
析如是聚色不能析處亦如麤聚有可析理
謂彼可以覺慧分析如以聚色析聚至窮慧
析至躬應有餘在可爲慧見更不可析此餘
在者即是極微是故極微其體定有此若無
者聚色應無聚色必由此所成故如是已說

踰舊等應辨年等其量云何頌曰

百二十刹那 為恒刹那量 臘縛此六十

此三十須臾 此三十晝夜 三十晝夜月

十二月為年 於中半減夜

論曰刹那百二十為一恒刹那六十恒刹那

為一臘縛三十臘縛為一年呼栗多三十牟

呼栗多為一晝夜此晝夜有時增有時減有

時等三十晝夜為一月揔十二月為一年於

一年中分為三際謂寒熱雨各有四月十二

月中六月減夜以一年內夜揔減六云何如

是故有頌言

寒熱雨際中一月半已度 於所餘半月

智者知夜滅

如是已辯刹那至年劫量不同今次當辯頌曰

應知有四劫 謂壞成中大 壞從獄不生

至外器都盡 成劫從風起 至地獄初生

中劫從無量 減至壽唯十 次增減十八

後增至八萬 如是成已住 名中二十劫

成壞壞已空 時皆等住劫 八十中大劫

大劫三無數

論曰言壞劫者謂從地獄有情不復生至外

器都盡壞有二種一趣壞二界壞復有二種

一有情壞二外器壞然壞與成揔分四品一

者正壞二壞已空三者正成四成已住言正

壞者謂此世間過於二十中劫住已從此復
有等住二十壞劫便至壞劫將起住此洲人
壽量八萬若時地獄有情命終無復新生爲
壞劫始乃至地獄無一有情亦時名爲地獄
已壞諸有地獄定受業者業力引置他方獄
中由此准知傍生鬼趣時人身內無有諸蟲
與佛身同傍生壞故有說二趣於人益者壞
與人俱餘者先壞如是二說前說爲善若時
人趣此洲一人無師法然得初靜慮從靜慮
起唱如是言離生喜樂甚樂甚靜餘人聞已
皆入靜慮命終並得生梵世中乃至此洲有
情都盡是名已壞瞻部洲人東西二洲例此

應說北洲命盡生欲界天由彼鈍根無離欲
故生欲天已靜慮現前轉得勝依方能離欲
乃至人趣無一有情今時名爲人趣已壞若
時天趣欲界六天隨一法然得初靜慮乃至
並得生梵世中今時名爲欲天已壞如是欲
界無一有情名欲界中有情已壞若時梵世
隨一有情無師法然得二靜慮從彼定起唱
如是言定生喜樂甚樂甚靜餘天聞已皆入
彼靜慮命終並得生極光淨天乃至梵世中
有情都盡如是名已壞有情世間唯器世間
空曠而住餘方世界一切有情感此三千世
界業盡於此漸有七日輪現諸海乾竭衆山

洞然洲渚三輪並從焚燎風吹猛焰燒上天
宮乃至梵宮無遺灰燼自地火焰燒自地宮
非他地災能壞他地由相引起故作是言下
火風飄焚燒上地謂欲界火猛焰上昇爲緣
引生色界火焰餘災亦尔如應當知如是始
從地獄漸減乃至器盡摠名壞劫所言成劫
謂從風起乃至地獄始有情生謂此世間灾
所壞已二十中劫唯有虛空過此長時次應
復有等住二十成劫便至一切有情業增上
力空中漸有微細風生是器世間將成前相
風漸增盛成立如前所說風輪水金輪等然
初成立大梵天宮乃至夜摩宮後起風輪等

是謂成立外器。世間器有壞成，由有情力若
有情類久集上天，此器世間必應漸起。今福
減者散下居故，謂極光淨久集有情天衆，既
多居處，迫近諸福減者，應散下居此器。世間
理應先起，故劫壞位有情上集於劫成時，有
情下散，由罪福減及福罪增，集散旋環，理應
如是。既已成立此器，世間初一有情極光淨
歿生大梵處，空宮殿中。後諸有情亦從彼歿
有生梵輔，有生梵衆，有生他化自在天宮，漸
渾下生，乃至人趣，俱盧舍那，貨勝身，瞻部，後生
餓鬼，傍生地獄。法介後壞，必最初成若初一
有情生，無間獄二十中成，劫應知已滿。此後

復有二十中劫名成已住次第而起謂從風
起造器世間乃至後後有情漸住初一有情
極光淨歿生大梵宮者即為大梵王諸大梵
王必異生攝以無聖者還生下故上二界無
入見道故即由此故無一有情無間二生為
大梵義既說大梵最後命終極光淨天壽八
大劫二十中劫世界還成如何梵王生極光
淨受少壽量還從彼歿雖彼非無有中夭義
而廣大福方生彼天八大劫壽中始經少分
二十中劫頃寧即命終以此觀知餘來生此
此洲人壽經無量時至住劫初壽方漸減從
無量減至極十年即名為初一住中劫此次

十八皆有增減謂從十年增至八萬復從八
萬減至十年亦乃名爲第二中劫次餘十七
例皆如是於十八後從十歲增至極八萬歲
名第二十劫一切劫增無過八萬一切劫減
唯極十年十八劫中一增一減時量方等初
減後增故二十劫時量皆等此揔名爲成已
住劫所餘成壞及壞已空雖無減增二十差
別然由時量與住劫同准住各成二十中劫
成中初劫起器世間後十九中有情漸住壞
中後劫減器世間前十九中有情漸捨如是
所說成住壞空各二十中積成八十揔此八
十成大劫量若亦且對苦苦爲言應生死中

樂多非苦壞空成劫一向苦故於任劫中雖
苦樂雜而純苦少純樂時多時分雖然而苦
起位增上猛利樂則不尔謂於熱際烈日逼
身雖用栴檀烏施羅末及冰雪等而爲對治
便有增上身安樂生尔時欵遭小刺所刺頓
忘衆樂唯覺有苦如是若遇恩愛別離心中
所生增上苦受重於恩愛和合生樂由如是
等知生死中樂少苦多其理決定諸劫唯用
五蘊爲體除此時體不可得故經說三劫阿
僧企耶精進修行得成佛者於前所說四種
劫中積大劫成三劫無數謂從初種大菩提
種經三大劫阿僧企耶方乃得成大菩提果

既稱無數何復言三有釋此言諸善筭者依
筭計論筭至數窮初不能知名一無數如是
無數積至第三餘復釋言六十數內別有一
數立無數名謂有經中說六十數此言無數
當彼一名積此至三名三無數非諸筭計不
能數知菩薩經斯三劫無數方乃證得無上
菩提如是已辯劫量差別諸佛獨覺出現世
間為劫增時為劫減位頌曰

減八萬至百 諸佛現世間 獨覺增減時

麟角喻百劫

論曰從此洲人壽八萬歲漸減乃至壽極百
年於此中間諸佛出現何緣增位無佛出耶

有情樂增難教馱故多行妙行故少有墮三
塗減百年時何故無佛見於如是壽短促時
不能具成佛所作故謂一切佛出現世間決
定捨於第五分壽從定所起命行依身非於
今時所化樂見以設出世為佛事少故於今
時佛不出世經主於此作是釋言五濁極增
難可化故豈不今世人減百年五濁雖增而
有能辯入正決定離染得果佛唯為此應出
現世間故彼所言非為善釋非百年位佛出
世時一切皆能遵崇聖教入正決定離染得
果可言減百一分不能辦斯佛事故無佛出
然於減百設佛出世亦有一分能遵教等如

百年時佛何不出若謂減百堪化有情極少故佛不出者是則應說前所立因不能具成佛所作故雖於減百五濁極增不能具成彼所作事由斯故佛不出世間而此親因非彼所說言五濁者一壽濁二劫濁三煩惱濁四見濁五有情濁云何濁義極鄙下故應棄捨故如滓穢故豈不壽劫有情濁三五不相離見濁即用煩惱為體五應不成理實應然但為次第顯五衰損極增盛時何等名為五種衰損一壽命衰損時極短故二資具衰損少光澤故三善品衰損欣惡行故四寂靜衰損展轉相違成誼諍故五自體衰損非出世

問功德器故爲欲次第顯此五種衰損不同
故分五濁獨覺出現通劫增減然諸獨覺有
二種殊一者部行二麟角喻部行獨覺先是
聲聞得勝果時轉名獨勝有餘說彼先是異
生曾修聲聞順決擇分今自證道得獨勝名
由本事中說一山處摠有五百苦行外仙有
一獼猴曾與獨覺相近而住見彼威儀展轉
遊行至外仙所現先所見獨覺威儀諸仙覩
之咸生敬慕須臾皆證獨覺菩提若先是聖
人不應修苦行麟角喻者謂必獨居二獨覺
中麟角喻者要百大劫修菩提資糧然後方
成麟角喻獨覺言獨覺者謂現身中雖稟至

教唯自悟道以能自調不調他故何緣獨覺
言不調他非彼無能演說正法以彼亦得無
礙解故又能憶念過去所聞諸佛言詞堪爲
他說得極遠境宿在智故又不可說彼無慈
悲爲攝有情現神通故又不可說無受教機
今時有情亦有能起世間離染對治道故雖
有此理而今測量彼知今時有情根欲入見
諦等不藉他教故不說法以調伏他除此所
餘攝有情事無勞設教現通即成又諸獨覺
闕力無畏對於我論堅執衆中欲說無我心
便怯劣故不說教以調伏他有餘釋言由彼
獨覺長時數習少欲勝解又避攝衆誼雜過

失故不說法以調伏他若自有能他有根欲
棄而不濟度豈名有慈悲是故應如前釋為
善輪王出世為在何時幾種幾俱何威何相
頌曰

輪王八萬上

金銀銅鐵輪

一二三四洲

逆次獨如佛

他迎自往伏

諍陣勝無害

相不正明圓

故與佛非等

論曰從此洲人壽無量歲乃至八萬歲有轉
輪王生減八萬時有情富樂壽量損減非其
器故或順彼受業定於彼時方與果故如感
佛身業要劫減時方能與果王由輪寶旋轉
應導威伏一切名轉輪王施設之中說有四

種金銀銅鐵輪應別故如其次第勝上中下
逐次能王領一二三四洲謂鐵輪王王一洲
界銅輪王二銀輪王三若金輪王王四洲界
契經就勝但說金輪故契經言若王生在刹
帝利種紹灑頂位於十五日受齋戒時沐浴
首身受勝齋戒昇高臺殿臣僚輔翼東方欵
有金輪寶現其輪千輪具足轂輞衆相圓淨
非匠所成舒妙光明來應王所此王定是轉
金輪王轉餘輪王應知亦尔輪王如佛無二
俱生故契經言無處無位非前非後有二如
來應正等覺出現於世有處有位唯一如來
如說如來輪王亦尔應審思擇此唯一言爲

據一大千為約一切界應說一切界無差別
言故謂無經說唯此世間又無經言唯一世
界如何不說而能定知唯據一大千非約一
切界若尔何故梵王經說我今於此三千大
千諸世界中得自在轉彼有密意密意者何
謂若世尊不起加行唯能觀此三千大千若
時世尊發起加行無邊世界皆佛眼境天耳
通等例此應知若不許然佛於餘界何緣無
有自在化能為闕大悲為智有礙闕大悲者
經不應言如來悲心普覆一切智有礙者經
不應言無一介談佛智不轉若佛智悲徧於
一切無礙無闕則應說法普能濟度一切有

情無邊界中如來皆有不思議力能普化故
又佛先於三無數劫發願度脫一切有情今
諸有情若自所化若他所化皆已下種資糧
成熟任在十方無出世尊願所及境何緣此
佛不度餘方設一如來唯化一界亦非一界
盡得涅槃然許如來能化一界故許一佛普
化十方雖度不盡亦無有失餘為當來佛所
度故由斯理故梵王經說我今於此三千大
千諸世界中自在轉者定有密意為證不成
又理必然如舍利子摠約現在白世尊言我
得彼問當如是答今時無有梵志沙門得無
上菩提與我世尊等所以然者我從出世尊親

聞親持無處無位非前非後有二如來應正
等覺出現於世有處有位唯一如來如其他
方別有佛者非舍利子懷嫉妬心何故不言
他方雖有而一世界無二如來豈不此經亦
有密意引證已義亦不得成密意者何謂彼
所引無處位等有二如來如說如來輪王亦
亦若無密意約現摠遮則應輪王餘界非有
以彼如佛遮俱生故若餘界輪王雖遮而有
則餘界諸佛不可言無是故此經約一界說
不可以佛定例輪王即此經中遮女成佛豈
亦有佛以女身成如遮輪王俱生非定又不
可以佛例輪王以轉輪王如業主別所生處

所有隔別故謂轉輪王業有分限故所王領
亦有隔別非一四洲俱時二主同所王領況
得有多是故應知為主有隔其所生處理有
分限由有分限故一界中無二輪王餘界別
有佛因無有分限異故為主王化亦無分限
由此無有佛土隔別故不可言屬此屬彼如
何此佛唯化此方餘世界中
有餘佛化云何
知佛為化主無限於一切界境皆有智故諸
界差別由二種依謂依身才殊及法差別佛於
諸界差別相中有能徧知殊勝智故於一切
法一切有情差別境中無礙智轉如契經說
佛告苾芻我觀有情非易可得從久流轉生

死以來非汝父母乃至廣說又契經說佛告
苾芻我觀方土非易可得從久流轉生死以
來非汝所居乃至廣說又舍利子讚述世尊
成就無上宿任念智作如是言大德世尊於
彼彼處曾不曾住若有色若無色若有想若
無想若非想想非非想即彼彼處所有行相所
有標舉有無量種無上微妙宿任念智豈不
由此即成如來於不生處亦有智轉能爲化
主化彼有情非轉輪王有如是德故不可引
比例世尊又轉輪王於大千界爲多俱出各
王四洲爲一輪王揔王如佛若介何失二俱
不然若多俱生各別王者如王與佛遮二言

同而許輪王於大千界同時多出非佛世尊
如是亦應許餘世界有輪王出無佛世尊若
一輪王生一四洲界而能摠王百俱肱界者
輪王少福都無妙智而許摠王三千大千況
我世尊具大福德於一切界一切有情有大
堪能無礙妙智而執所王不越大千與輪王
同斯有何理又彼所執都無至教唯依少理
作如是言現見世間有多菩薩俱時修習菩
提資糧一界一時可無多佛多界多佛何理
能遮故無邊界中有無邊佛現此所立理應
共尋思俱時造修轉輪王業及俱修習菩提
資糧二類有情誰多誰少又輪王果無上菩

擬無障圓成誰多誰速又有何定理無二無
多造一界同時轉輪王業彼如是業成熟既
同時何理爲遮不俱生一界此中定理於佛
亦然不可被徵便許一界無二多造業或非
一俱生又賢劫中契經定說有五百佛出現
世間或有說言千佛出世若干菩薩菩提資
糧同一劫中可得圓滿何緣成佛定不同時
謂彼皆於三無數劫精勤修習菩提資糧有
一劫中同處成佛何緣無有同處同時於一
大千無俱時理多界唯一理亦應同唯佛世
尊能於此義究竟通達我等隨力且於此作
如是尋思諸有智人應詳其理如是所說四

種輪王威定諸方亦有差別謂金輪者諸小
國王各自來迎作如是請我等國土寬廣豐
饒安隱富樂多諸人衆唯願天尊親垂教勅
我等皆是天尊翼從若銀輪王自往彼土威
嚴近至彼方臣伏若銅輪王至彼國已宣威
覓德彼方推勝若鐵輪王亦至彼國現威列
陣剋勝便止一切輪王皆無傷害令伏得勝
已各安其所居勸化令修十善業道故輪王
死多得生天經說輪王出現於世便有七寶
出現世間象等五寶有情數攝如何他業生
他有情非他有情從他業起然由先造互相
屬業於中若一稟自業生餘亦俱時來自業

起如是所說諸轉輪王非唯有七寶與餘王
別亦有三十二大士相殊若介輪王與佛何
異佛大士相處正明圓王相不然故有差別
言處正者謂於佛身衆相無偏得其所故言
明了者謂於佛身相極分明能奪意故言圓
滿者謂於佛身衆相周圓無缺減故劫初人
衆悉有王無頌曰
劫初如色天 後漸增貪味 由墮貯賊起
爲防雇守田

論曰劫初時人皆如色界極光淨及來生人
間經於久時漸有王出故契經說劫初時人
有色意成支體圓滿諸根無缺形色端嚴身

帶光明騰空自在飲食喜樂長時久住有如
是類地味漸生其味甘美其香鬱馥時有一
人稟性耽味齏香起愛取嘗便食餘人隨學
竟取食之亦時方名初受段食資段食故身
漸堅重光明隱沒黑闇便生日月衆星從茲
生身由漸耽味地味便隱從斯復有地皮餅
生身耽食之地餅復隱亦時復有林藤出現
竟耽食故林藤復隱有非耕種香稻自生衆
共取之以充所食此食麁故殘穢在身爲欲
蠲除便生二道因斯遂有男女根生由二根
殊形相亦異宿習力故便相瞻視因此遂生
非理作意欲貪鬼魅惑亂身心失意猖狂行

非梵行人中欲鬼初發此時亦時諸人隨食
早晚隨取香稻無所貯積後時有人稟性懶
惰長取香稻貯擬後食餘人隨學漸多停貯
由此於稻生我所心各縱貪情多收無馱故
隨收處無復再生遂共分田慮防遠盡於己
田分生恠護心於他分田有懷侵奪劫盜過
起始於此時爲欲遮防共聚詳議銓量衆內
一有德人各以所收六分之一雇令防護封
爲田主因斯故立刹帝利名大衆欽承恩流
率土故復名大三末多王自後諸王此王爲
首時人或有情馱居家樂在空閑精修戒行
因斯故得婆羅門名後時有王貪恠財物不

能均給國土人民故貪墮者多行賊事正為
禁止行輕重罰為殺害業始於此時時有罪
人心怖刑罰覆蔽其過異想發言虛誑語生
此時為首於劫減位有小三災其相云何頌曰
業道增壽減 至十三災現 刀疾飢如次
七日月年止

論曰從諸有情起虛誑語諸惡業道後後轉
增故此洲人壽量漸減乃至極十小三災現
故諸災患二法為本一貪美食二性懶惰此
小三災中劫末起三災者一刀兵二疾疫三
飢饉謂中劫末十歲時人為非法貪染污相
續不平等愛映蔽其心邪法縈纏瞋毒增上

相見便起猛利害心如今獵師見野禽獸隨
手所執皆成利刀各逞凶狂互相殘害又中
劫末十歲時人由具如前諸過失故非人吐
毒疾疫流行遇輒命終難可救療又中劫末
十歲時人亦具如前諸過失故天龍忿責不
降甘雨由是世間久遭飢饉既無支濟多分
命終是故說言由飢饉故便有聚集白骨運
籌由二種因名有聚集一人聚集謂彼時人
由極飢羸聚集而死二種聚集謂彼時人為
益後人輟其所食置於小篋擬為種子故飢
饉時名有聚集言有白骨亦由二因一彼時
人身形枯燥命終未久白骨便現二彼時人

飢饉所逼聚集白骨煎汁飲之有運籌言亦
二因故一由糧少傳籌食之謂一家中從長
至幼隨籌至日得少麁餐二謂以籌挑故場
蘊得少穀粒多用水煎分共飲之以濟餘命
然有至教說治彼方謂若有能一晝一夜持
不殺戒於未來生決定不逢刀兵灾起若能
以一訶梨怛雞起殷淨心奉施僧衆於當來
世決定不逢疾疫灾起若有能以一搏之食
起殷淨心奉施僧衆於當來世決定不逢飢
饉灾起此三灾起各經幾時刀兵灾起極唯
七日疾疫灾起七月七日飢饉七年七月七
日度此便上人壽漸增東西二洲有似灾起

謂瞋增盛身力羸劣數加飢渴北洲揔無前
說火災焚燒世界餘災亦尔如應當知何者
為餘今當具辯頌曰

三灾火水風

上三定為頂

如次内灾等

四無不動故

然彼器非常

情俱生滅故

要七火一水

七水火後風

論曰此大三灾逼有情類今捨下地集上天
中初火灾興由七日現有說如是七日輪行
猶如鴈行分路旋運有說如是七日輪行上
下為行分路旋運中間各相去五千踰繕那
次水灾興由降瀑雨有作是說從三定邊空
中欵然雨熱灰水有餘復說從下水輪起涌

沸水上騰漂浸決定義者即此邊生後風災
興由風相擊有作是說從四定邊空中欵然
飄擊風起有餘復說從下風輪起衝擊風上
騰飄鼓此決定義准前應知若此三灾壞器
世界乃至無有細分爲餘後鹿物生誰爲種
子豈不即以前灾頂風爲緣引生風爲種子
或先所說由諸有情業所生風能爲種子風
中具有種種細物爲同類因引鹿物起或諸
世界壞非一時有他方風具種種德來此爲
種亦無有過故化地部契經中言風從他方
飄種來此如先所說前灾頂風此中何灾以
何爲頂火水風如次上三定爲頂故世尊說

災頂有三若時火災焚燒世界以極光淨天
爲此災頂若時水災浸爛世界以徧淨天爲
此災頂若時風災飄散世界以廣果天爲此
災頂隨何災力所不及處即說名爲此災之
頂何緣下二定遭火水風災初二三定中內
災等彼故謂初靜慮等伺爲內災能燒惱心
等外火災故第二靜慮喜受爲內災與輕安
俱潤澤如水故徧身麤重由此皆除故經說
苦根第二靜慮滅以說內心喜得身輕安故
非唯火災尋伺止息亦由滅苦所依識身故
說苦根二靜慮滅雖生上地識身容現前隨
欲不行自在故無過然經言滅苦據正入定

時初靜慮中猶有尋伺無增上喜不言苦滅
第三靜慮動息爲內災息亦是風等外風災
故若入此靜慮有如是內災生此靜慮中遭
是外災壞故初靜慮內具三災外亦具遭三
災所壞第二靜慮內有二災故外亦遭二災
所壞第三靜慮內唯一災故外但遭一災所
壞何緣不立地亦爲災以器世間卽是地故
但可火等與地相違不可說言地還違地如
先所說三斷末摩所斷末摩卽是地故不可
立地以爲能斷大種類同不相違故又下三
定以火水風如次爲災損壞外器若復立地
爲第四災則應能損第四靜慮然彼靜慮必

無外灾以彼定無內灾患故由此佛說彼名
不動內外三灾所不及故由是故說灾唯有
三毗婆沙師說第四定攝淨居故灾不能損
由彼不可生無色天亦復不應更往餘處由
此證餘界無淨居天若餘世界中有淨居者
應如地獄移往他方寧說不應更往餘處下
三天處由淨居天威力攝持故無灾壞無容
一地處少不同便有為灾壞不壞別若尔彼
地器應是常不尔與有情俱生俱滅故謂彼
天處無揔地形但如衆星居處各別有情於
彼生時死時所住天宫隨起隨滅是故彼器
體亦非常所說三灾云何次第要先無間起

七火災其次定應一水災起此後無間復七
火災度七火災還有一水如是乃至滿七水
災復七火災後風災起如是揔有八七火災
一七水災一風災起水風災起皆次火災自
水風災畢火災起故災次第理必應然何緣
七火方一水災極光淨天壽勢力故謂彼壽
量極八大劫故至第八方一水災由此應知
要度七水八七火後乃一風災由徧淨天壽勢
力故謂彼壽量六十四劫故第八八方一風
災如諸有情修定漸勝所感異熟身壽漸長
由是所居亦漸久住

論一切有部順正理論卷第三十二 移

拊析

擊反 二同 先

掉

徒反 吊

隙

逆反 二同 丘

蟻

蟲

豈上居反

麥

麥字 上誤

阿練若

下汝者 反梵語

穰

麥 上俱

猛

阿笈摩

中其業反 亦云阿舍

栗多

上力吉

此云須臾

呼

灰

燼

下刃反 徐

風飄

苗反 正

迫迮

上音伯 下音責

企耶

上丘反

甚

少

上反 淺息

滓

側反 史

麟角

上音 下音

藉

才反 夜

怯劣 劫反 去

王

一 上于

王三 已况

反 王二

臣僚

下郎 反郎

欵

許勿 同前

反 輻

福音

轂 救

輞 上音

下音 同谷

苾芻芻

上頻 楚俱 反必

步 結二

反 下

顛

許救 反

林藤

下登反 徒

香稻

下音 道

蠲除

上懸 反俱

鬼魅

下

眉 猖狂

上昌音

懶墮

下上 徒郎

綈 反反

長取

上仗音

銓

量

全上 反七

匱

求位 反

飢饉

下鎮 反渠

縈纏

上營 反紆

獵師 上良

暹

反田 領

忿

問芳 二粉

羸

反力 垂 輟

知劣

筮

反苦 恬

拾燥

一搏

團下 俗下

音 作蘇老
瀑 燥

雨 反

報上 傳籌

反蒲 下上

漂 反直

反苗 留戀

反反

挑

反土

抉

反彫

反

反



